

COVID -19

ՎՐԱՍՏԱՆՈՒՄ ՀԱՅՏԱՐԱՐՎԵՑ ՀԱՄԸՆԴՀԱՆՈՒՐ ԿԱՐԱՆՏԻՆ

ԺԱՄԸ 21:00-6:00-Ը ԿԳՈՐԾԻ ՊԱՐԵՏԱՅԻՆ ԺԱՄ

Մարտի 30-ին Վրաստանի վարչապետ Գիորգի Գախարիայի նախագահությամբ, անցկացվեց կորոնավիրուսի կանխարգելման հարցերով միջգերատեսչական համակարգող խորհրդի ընդլայնված նիստ: Խորհրդի անդամներից բացի, ներկա էին Թբիլիսիի քաղաքապետը, նախարարների կաբինետի անդամները եւ հիվանդությունները վերահսկող պաշտոնյաներ: Նիստի ավարտին, վարչապետ Գիորգի Գախարիան, հատուկ հրավիրված մամուլ առուլիսին հայտնեց խորհրդի կայացրած որոշումը՝ մարտի 31-ի առավոտյան ժամը 8-ից երկրի ողջ տարածքում համընդհանուր կարանտին հայտարարելու մասին: Միաժամանակ, երկրի ողջ տարածքում երեկոյան ժամը 21-ից մինչև առավոտյան ժամը 6-ը կգործի պարետային ժամ:



ԻՆՉ Է ՆԱԽԱՏԵՍՈՒՄ ՀԱՄԸՆԴՀԱՆՈՒՐ ԿԱՐԱՆՏԻՆԸ

- Մենք որոշում ենք կայացրել արտակարգ դրության պայմաններում առկա միջոցառումների առավել խստացնելու մասին: Փաստացի հայտարարում ենք, շեշտում ենք, փաստացի, համընդհանուր կարանտին, որը կսկսվի մարտի 31-ի առավոտյան 08:00-ից, - հայտարարեց վարչապետը: Նրա պարզաբանումներով, համընդհանուր կարանտինը նախատեսում է.

• Հստակ արգելվում է ցանկացած հանրային տրանսպորտով (այդ թվում՝ մետրոյով) տեղաշարժը ինչպես քաղաքներում եւ մունիցիպալիտետներում, այդպես էլ՝ քաղաքների միջև:

• Երթևեկությունը թույլատրելի է միայն մարդատար մեքենաներով (այդ թվում՝ տաքսիով), միայն այն դեպքում, եթե հաշվի են առնվում առողջապահության նախարարության հանձնարարականները, եւ մեքենայի մեջ հնարավոր է կարանտինը՝ 4-րդ էջում)

ԳԻՈՐԳԻ ԳԱԽԱՐԻԱ. «ՔԱՂԱՔԱՑԻՆԵՐԻՆ ՕԳՆԵԼՈՒ ՀԱՄԱՐ ՁԵՌՆԱՐԿՈՒՄ ԵՆՔ ՀԱՏՈՒԿ ՄԻՋՈՑՆԵՐ»

ՄԻՆՉԵՎ 200 ԿԿՏ ԷԼԵԿՏՐՈՆԵՐԳԻԱ ԵՎ ՄԻՆՉԵՎ 200 ԽՈՐ/Մ ԲՆԱԿԱՆ ԳԱՉ ՍՊԱՌՈՂ ԸՆՏԱՆՔՆԵՐԸ ՄԱՐՏ, ԱՊՐԻԼ, ՄԱՅԻՍ ԱՄԻՍՆԵՐԻՆ ԿԱՉԱՏՎԵՆ ԿՈՄՈՒՆԱԼ ՎՃԱՐՈՒՄՆԵՐԻՑ

Ապրիլի 3-ին Վրաստանի վարչապետ Գիորգի Գախարիայի նախագահությամբ, անցկացված կորոնավիրուսի տարածման կանխարգելման հարցերով միջգերատեսչական համակարգող խորհրդի նիստում վարչապետը մտահոգություն հայտնեց կորոնավիրուսով վարակման աճի դինամիկայի հետ կապված:

Նրա խոսքով, ներկա դրությամբ, վարակվածների թիվը մեկ օրում ավելացել է 21-ով եւ դարձել 155, ապաքինվել եւ հիվանդանոցներից դուրս է գրվել

28 մարդ: Այսօրվա դրությամբ, կարանտինի պայմանակարգում գտնվում է 5526, իսկ ստացիոնար վերահսկողության տակ 344 մարդ: Միաժամանակ, ըստ

վարչապետի, երկրում առկա է վարակման երեք նոր դեպք, որոնց վարակման առաջնային աղբյուրն անհայտ է:

- Ցավոք, ունենք նաեւ բուժաշխատողի վարակման դեպք, եւ այս փաստը մեզ ստիպում է խստացնել հետագա քայլերը, - ասաց Գիորգի Գախարիան ընդօժեւելով, որ որոշ քաղաքացիներ (Շարունակությունը՝ 4-րդ էջում)

ՀԱՍՏԱՏՄԱՆ

ՀԱՄԱՃԱՐԱԿԱՅԻՆ ԻՆԸ ՄԻՋՈՑԱՌՈՒՄ ՏՆՏԵՍԱԿԱՆ ԵՎ ՍՈՑԻԱԼԱԿԱՆ ԲԱՐՊՈՒԹՅՈՒՆՆԵՐԻ ՀԱՂՈՎԱԶՄՄԱՆ ՀԱՄԱՐ

Ապրիլի 2-ին Հայաստանի վարչապետ Նիկոլ Փաշինյանի գլխավորությամբ անցկացված կառավարության նիստի մեկնարկին քննարկվեց երկրում կորոնավիրուսի հետ կապված իրավիճակը:

Նշվեց, որ Հայաստանում արձանագրվել է կորոնավիրուսով վարակվելու 92 նոր դեպք, որի գերակշիռ մասը ի սկզբանե կասկածելի գոտում է գտնվել: Նշվեց նաեւ, որ ապաքինվել է 33, մինչեւ այժմ մեկուսացումից դուրս է եկել 350 քաղաքացի:

Անդրադառնալով վերջին մեկ օրում վարակվածության 92 դեպք



քերին Նիկոլ Փաշինյանը նշեց, որ կորոնավիրուսի դեպքերի ավելացման տեմպի աճի որոշակի վտանգ կա: Նա եւս մեկ անգամ կոչ արեց քաղաքացիներին այդքան հանգիստ չվերաբերվել կորոնավիրուսին:

(Շարունակությունը՝ 7-րդ էջում)

ՆԱԽԱՉԵՆՈՒԹՅՈՒՆ

ԵՐԵՔ ԱՄՍՎԱ ԱՇԽԱՏԱՎԱՐՉԻ ՄԵՎ ԵՐՐՈՐԴԸ ԿՓՈՒՍԱՆՉՎԻ «ԿՈՐՈՆԱՎԻՐՈՒՄ» ՀԻՄՆԱԴՐԱՄԻՆ

Ապրիլի 2-ին Վրաստանի խորհրդարանի մեծամասնության անդամ, «Վրացական երազանք» կուսակցության գործադիր քարտուղար Իրակլի Կոբախիձեն հանդես եկավ հայտարարությամբ, ըստ որի Վրաստանի կառավարության եւ խորհրդարանի «Վրացական երազանքի» անդամները առաջիկա երեք ամսվա աշխատավարձերի մի մասը կփոխանցեն կորոնավիրուսի դեմ պայքարի հիմնադրամին:

- Համաքաղաքացիներին մեր աջակցությունը ցուցաբերելու նպատակով եւ հիմնվելով կուսակցության ներսում ընթացող քննարկումների եւ խորհրդակցությունների վրա՝ որոշում ենք կայացրել հաջորդ երեք ամսվա աշխատավարձե-



րի 1/3-ը փոխանցել «Կորոնավիրուս» հիմնադրամին: Այս ծրագրին կմասնակցեն «Վրացական երազանքի», կառավարության եւ խորհրդարանի բոլոր անդամները: Մենք պատրաստ ենք նպաստել համաճարակազրկմանը:

(Շարունակությունը՝ 2-րդ էջում)

3000 ԼԱՐԻ ՏՈՒԳԱՆՔ՝ ԱՐՏԱԿԱՐԳ ԴՐՈՒԹՅԱՆ ԿԱՐԳԻ ԽԱԽՏՄԱՆ ՀԱՄԱՐ

Ինչպես արդեն հաղորդել ենք, երկրի ողջ տարածքով ներդրված արտակարգ դրության, ապա կարանտինային խիստ պայմանակարգի ու պարետային ժամի ընդունման պայմաններում սահմանվել են որոշակի սահմանափակումներ, որոնց խախտման համար նախատեսված են բավականին պատկառելի պատժազումարներ ինչպես ֆիզիկական, այնպես էլ իրավաբանական անձանց համար:

Վրաստանի ներքին գործերի նախարարության տեղեկատվությամբ, իրավապահները, մոնիթորինգի արդյունքում, վերջին 24 ժամվա ընթացքում, ողջ երկրի տարածքով բացահայտել են արտակարգ դրություն եւ պարետային ժամի խախտման 706 դեպք:

Ըստ ՆԳՆ մամուլի ծառայության, ոստիկանության աշխատողները՝ ապրիլի 2-ի ժամը 21: 00-ից մինչև ապրիլի 3-ի ժամը 06:00-ը, ողջ երկրում տուգանել են 204 քացաքացու պարետային ժամը խախ-

տելու համար: Ոստիկանությունը տուգանել է նաեւ 75 քաղաքացու՝ երեքից ավելի անձանց կարգը խախտելու եւ 2 մետր սոցիալական հեռավորությունը չպահպանելու համար:

Տուգանվել են մեկ ֆիզիկական եւ մեկ իրավաբանական անձինք տնտեսական գործունեության սահմանափակումները խախտելու համար:

«Ոստիկանությունը, Հիվանդությունների վերահսկման ազգային կենտրոնի հետ համատեղ, շարունակում է խստորեն վե-

րահսկել մեկուսացման մեջ գտնվող քաղաքացիներին: Համատեղ մոնիթորինգի արդյունքում, հայտնաբերվել է ինքնամեկուսացման կանոնների խախտման 10 նոր դեպք, - հայտարարել են գերատեսչությունում:

Ընդհանուր առմամբ, իրավապահները տուգանել են 415 մարդու՝ ուղեւորների թվի եւ կամ ավտոմեքենայի փոխադրման կանոնները խախտելու համար:

«Եվս մեկ անգամ հիշեցնենք, որ արտակարգ դրության խախտումը հանգեց-



նում է վարչական պատասխանատվության ֆիզիկական անձի համար 3000 լարիի, իսկ իրավաբանական անձի համար՝ 15 000 լարիի տուգանք»,- ասված է ներքին գործերի նախարարության հաղորդագրության մեջ:

ՆԱԽԱՁԵՆՈՒԹՅՈՒՆ

ԵՐԵՔ ԱՄՍՎԱ ԱՇԽԱՏԱՎԱՐՁԻ ՄԵԿ ԵՐՐՈՐԴԸ ԿՓՈՒԱՆՑՎԻ «ԿՈՐՈՆԱՎԻՐՈՒՄ» ԶԻՄՆԱԴՐԱՄԻՆ

(Սկիզբը՝ 1-ին էջում)

րակի դեմ պայքարին: Վստահ ենք, որ մեր կուսակցության մյուս անդամները, ովքեր, չնայած դժվար հանգա-

մանքների, հնարավորություն ունենալու աշխատել մասնավոր կամ պետական հատվածում եւ ունենալ եկամուտ, Յիմ-նադրամին իրենց աջակցությունը կցուցաբերեն ըստ իրենց եկամուտների եւ

սոցիալական կարգավիճակի, եւ դրանով իրենց համերաշխությունը կցուցաբերեն մեր համաքաղաքացիների հանդեպ, - հայտարարել է Իրակլի Կոբախիձեն:

COVID -19

ՎԱՍՏԱՆԳ ԳՈՄԵԼԱՌԻ. «ՉԱՆՑԱԳՈՐԾՈՒԹՅՈՒՆՆԵՐԻ ԹԻՎԸ ՆՎԱՁԵԼ Է»

Վրաստանի ներքին գործերի նախարար Վախտանգ Գոմելաուրու հայտարարությամբ վերջին ժամանակաշրջանում Վրաստանում նվազել է հանցագործությունների թիվը:

«Ինչպես կավելանա հանցագործությունների թիվը, եթե ոստիկանությունը փողոցներում աշխատում է կրկնակի թվով եւ ուժով: Ինչպես գիտեք, ներքին գործերի նախարարությունը երեք շաբաթ առաջ անցել է աշխատանքի արտակարգ ռեժիմի եւ այս օրերին փողոցում շրջում է երկու անգամ ավելի ոստիկան:

Կարծում են դրանով է պայմանավորված այն փաստը, որ հանցագործությունների թիվը ոչ թե ավելացել է, այլ՝ նվազել»,- հայտարարել է Վախտանգ Գոմելաուրին:

Անդրադառնալով առաջիկա Չատկական տոների թեմային, Վախտանգ Գոմելաուրին նշել է, որ ներկա դրությամբ Չատկին վերաբերող հատուկ ծրագիր համաձայնեցված չէ: Նրա խոսքով, կառավարությունը այն համակարգում է Պատրիարքարանի հետ:




Վախտանգ Գոմելաուրու

-Պատրիարքարանի հետ համագործակցում ենք բոլորս, ոչ միայն Ներքին գործերի նախարարությունը, այլեւ ամբողջ կառավարությունը: Մենք քննարկեցինք տարբեր ուղղություններ:

Չատկան մոտենում է, առջեւում դեռ երկու շաբաթ կա: Անպայման կհամաձայնեցնենք, թե ինչ ձեւով եւ ինչպես կանցկացնենք տոնը:

Մենք սպասում ենք, թե ինչ կլինի երկու շաբաթից: Աշխարհում ոչ ոք չգիտի, եւ մենք, իսկապես, չենք կարող նախապես ծրագրել անելիքը, - հայտնել է ՆԳ նախարարը:

ՊԱՍՏԱ ԻՆԱՁԵ. «ՍՈՑԻԱԼԱԿԱՆ ՇՆՈՎՈՐՈՒԹՅԱՆ ՊԱՇՏՊԱՆՈՒՄԸ՝ ՎԱՐԱԿԻ ՏԱՐԱԾՄԱՆ ՏԵՄՊԸ ՎԵՐԱՆՍԿԵԼՈՒ ՄԻԱԿ ՄԻՋՈՅՆ Է»



Ըստ Վրաստանի հիվանդությունների վերահսկման ազգային կենտրոնի ղեկավարի տեղակալ Պաստա Իմնաձեի, երկրում կորոնավիրուսի բռնկումը կանխարգելելու միակ ճանապարհը՝ սոցիալական հեռավորությունն է:

Պաստա Իմնաձեն հայտնել է, որ Վրաց Կաթողիկոս-Պատրիարքի կրոնական տոների մոտենալու մասին հնչեցրած հարցերին տրվել է այն պատասխանը, որ Յիվանդությունների վերահսկման կենտրոնի առաջարկությունները հավասարա-

պես վերաբերում են բոլորին:

- Վարակումը կարող է տեղի ունենալ ցանկացած վայրում, ուր մարդիկ հավաքվում են, այդ թվում՝ եկեղեցում: Յետեւաբար, մեր առաջարկությունը հավասարապես վերաբերում է բոլորին, եւ՝ հավատացյալներին, եւ՝ աթեիստներին, եւ՝ հակաքրիստոնեականներին: Բոլորին ենք կոչ անում զերծ մնալ ցանկացած տեսակի շփումից: Սոցիալական հեռավորությունը միակ էլքն է երկրում վարակի տարածման աճը վերահսկելու համար,- ասել է Պաստա Իմնաձեն:

ԹԵՆԳԻՉ ՖԵՐՅՎԱԶԵ. «ԿՈՐՈՆԱՎԻՐՈՒՄԻ ԴԵՄ ՊԱՅՔԱՐՈՒՄ ՎՐԱՍՏԱՆԸ ՕՐԻՆԱԿ Է ԾԱՌԱՅՈՒՄ ԱՅԼ ԵՐԿՐՆԵՐԻ ԶԱՄԱՐ»

Թբիլիսիի ինֆեկցիոն հիվանդանոցի տնօրեն Թենգիզ Ֆերցվաձեն համոզեա գալով «Իմեդի» հեռուստաընկերության եթերում, հայտարարեց, որ աշխարհի առաջատար երկրների մասնագետները խորհրդակցում են վրացի համաճարակաբանների հետ՝ կորոնավիրուսի դեմ պայքարում:

Ըստ նրա՝ ամեն օր աշխարհի տարբեր երկրներից մասնագետներ են կապվում նրանց հետ՝ կորոնավիրուսի դեմ պայքարում վրացի համաճարակաբանների աշխատանքային փորձը կիսելու համար:

- Ես չգիտեմ, որտեղից է գալիս ինքներս մեզ թերագնահատելու միտումը, երբ իրականում ոչ ոք մեզանից լավը չէ: Իրականում ուրիշներն են մեզանից օրինակ վերցնում: Եվ սա համաշխարհային փաստ է: Այս մասին հայտնի է, սա հայտարարում է Առողջապահության համաշխարհային կազմակերպությունը: Ամեն օր մեզ հետ կապվում են աշխարհի առաջատար երկրներից՝ Գերմանիայից, Ֆրանսիայից, Իսպանիայից եւ խորհուրդներ ստանում մեզանից: Երկուշաբթի մենք կապ ենք հաստատելու Տեխասի, ԱՄՆ-ի հետ, եւ նրանք պետք է մեզանից խորհրդատվություն ստանան», - հայտարարել է Ֆերցվաձեն:

Նշենք, որ կորոնավիրուսի համավարակի հետ կապված՝ Վրաստանում մարտի 18-ին փակվել է օդային հաղորդակցությունը, երկիր ժամանող բոլոր քաղաքացիները երկու շաբաթ գտնվում են կարանտինում: Մարտի 21-ին երկրում հայտարարվել է արտակարգ դրություն: Բացի այդ, խիստ կարանտին է հայտարարվել Վրաստանի երկու՝ Բուլնիսի եւ Մառնեուլիի մունիցիպալիտետներում, որտեղ ընդհանուր առմամբ ապրում է մոտ 200 հազար մարդ: Յիվանդության ախտանիշների հայտնաբերման ուղղությամբ բնակչության ակտիվ ստուգում է ընթանում: Առայժմ Մառնեուլիում համաճարակային բռնկում չի գրանցվել:



Թենգիզ Ֆերցվաձե

ՎՐԱՍՏԱՆ - ՆԱՏՕ



ԱԶԱԿՑՈՒԹՅԱՆ ՓԱԹԵԹ ԶՅՈՒՄԻՍԱՏՆԱՆՏՅԱՆ ԱԼՅԱՆՍԻՑ


ՆԱՏՕ-ում ԱՄՆ մշտական ներկայացուցիչ Քեյ Բեյլի Յաթչինսոնի հայտարարությամբ, իրենք պարտականություն են ստանձնել, որ Վրաստանը եւ Ուկրաինան ապագայում կդառնան ՆԱՏՕ-ի անդամներ:

Ինչպես նշել է Յաթչինսոնը, Ռուսաստանը պետք է Վրաստանին եւ Ուկրաինային հնարավորություն տա՝ ունենալ ինքնիշխան կառավարում:

- Մենք ցանկանում ենք, որ նրանք շարունակեն բարեփոխումները, որպեսզի կարողանան հաղթահարել ռուսական ապատեղեկատվությունը եւ

դիմակայել իրենց տարածքի սահմանազատմանը: Ռուսաստանը պետք է Վրաստանին եւ Ուկրաինային հնարավորություն տա՝ ունենալ ինքնիշխան կառավարում: Այս երկրները պետք է վերահսկեն իրենց ինքնիշխան տարածքները եւ սահմանները: Մենք կոչված ենք օգնել Վրաստանին

եւ Ուկրաինային, որպեսզի նրանք կարողանան պատասխանել Ռուսաստանի ագրեսիային, որի արդյունքում խլել են նրանց երկրի մի մասը: Մենք օգնում ենք Վրաստանին եւ Ուկրաինային: Մենք նրանց կփոխանցենք փաթեթ եւ հարցը կքննարկվի ՆԱՏՕ-ի արտաքին գործերի մինիստերիալի ընթացքում: Վստահ են, նախարարները կհաստատեն փաթեթը, որի միջոցով կօգնենք եւ կաջակցենք Վրաստանին եւ Ուկրաինային», - հայտարարել է Յաթչինսոնը:



ՍՈՒՈՐԱԿ

ԵՐԿՐԻ ԲՆԱԿՉՈՒԹՅԱՆ ԳՐԵԹԵ ԿԵՍԸ՝

ԻՆՔՆԱՄԵԿՈՒՄԱՑՄԱՆ ՄԵՋ Է

Աշխարհի 3,9 միլիարդ մարդ, երկրի բնակչության գրեթե կեսը կորոնավիրուսի պատճառով ինքնամեկուսացման մեջ է:

Կորոնավիրուսի կանխարգելման պատճառով, աշխարհի ավելի քան 90 երկրում հայտարարված է արտակարգ դրություն, երկրների մեծ մասում սահմանված է պարետային ժամ:

Աշխարհում նոր կորոնավիրուսի վարակակիրների թիվը հասավ եւ անցավ մեկ միլիոնը: Աշխարհում վարակի զոհ է դարձել 47 231 մարդ, ապաքինվել՝ 193 764-ը:

Վարակվածների թվով առաջին հնգյակում առաջինը ԱՄՆ-ն է, որտեղ վարակվածների թիվը անցնում է 200 հազարը: Զոհվել է ավելի քան 4450 մարդ: Երկրորդը Իտալիան, որտեղ վերջին 24 ժամում մահացել է 727 մարդ: Այստեղ, ընդհանուր մահացած է 13 155 մարդ, վարակակիրների թիվը հասնում է 110 574-ի: Երրորդը՝ Իսպանիան, ուր վարակակիր է 104 000 անձ, մահացել է 9387-ը: Միացյալ Թագավորությունում մեկ օրում մահացել է 563 մարդ: Վարակված է մոտ 30 հազար մարդ, զոհերի ընդհանուր թիվը կազմում է 2357: Ֆրանսիայում կորոնավիրուսից մահացած անձանց թիվը գերազանցել է 4000-ը: Վերջին 24 ժամում այստեղ վարակից մահացել է 509 մարդ, զոհերի ընդհանուր թիվը կազմում է 4032: Վարակված է 56 989 մարդ:

ԱՄՆ

200 ԻԱԶՄՐԻՑ ԱՎԵԼԻ ՎԱՐԱԿՎԱԾ, 5 ԶԱԶՄՐԻՑ ԱՎԵԼԻ ԶՈՂ

Ամերիկայի Միացյալ Նահանգներում կորոնավիրուսից մահացության դեպքերը գերազանցել են 5000-ը: Վարակված է ավելի քան 200 000 մարդ:

ԱՄՆ նախագահ Դոնալդ Թրամփը հաստատել է, որ փորձագետները կարծում են, որ մույնիսկ խիստ սահմանափակումների պայմաններում, Միացյալ Նահանգներում վիրուսից կմահանա 100 000-ից 200 000 մարդ:

ԱՄՆ-ը Ռուսաստանից գնել է բժշկական սարքավորումներ, այդ թվում՝ արհեստական շնչառության ապարատներ, ձեռնոցներ, բժշկական դիմակներ: Դա իրականացվել է մարտի 30-ին, Դոնալդ Թրամփի եւ Վլադիմիր Պուտինի միջեւ կայացած հեռախոսազրույցից հետո, Ռուսաստանը ԱՄՆ-ին, ապրիլի 1-ին փոխանցել է վերոնշյալ ապրանքը:

ՌՈՒՍԱՍՏԱՆ

ՈՉ ԱՇԽԱՏԱՆՔԱՅԻՆ ՕՐԵՐԸ՝ ՄԻՆՉԵՎ ԱՊՐԻԼԻ 30-Ը

Ռուսաստանի Դաշնության նախագահ Վլադիմիր Պուտինը երկրում ոչ աշխատանքային օրերը երկարաձգել է մինչեւ ապրիլի 30-ը՝ աշխատավարձերի պահպանմամբ:

Պուտինն այդ մասին հայտարարել է Ռուսաստանի քաղաքացիներին կորոնավիրուսի համավարակի ֆոնին ուղղված երկրորդ ուղերձի ժամանակ:

Ռուսաստանի նախագահ Վլադիմիր Պուտինը ստորագրել է օրենք, որով կառավարությունը երկրում արտակարգ դրություն հայտարարելու լիազորություն է ստանում: Մասնավորապես, կառավարությունը կկարողանա համակարգել արտակարգ դրության ժամանակ կանխարգելման եւ արձագանքման միասնական համակարգի աշխատանքը:

Շաբաթից շաբաթ. Փաստեր եւ իրադարձություններ


ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՀԱՍԱԳՈՐԾԱԿՑՈՒԹՅՈՒՆ

90 ՄԻԼԻՈՆ ԵՎՐՈ ԵՎՐԱՄԻՈՒԹՅՈՒՆԻՑ՝ COVID-19-Ի ԴԵՄ ՊԱՅՔԱՐԻ ՀԱՄԱՐ

Վրաստանի արտաքին գործերի նախարար Դավիթ Ջալկալիանու հայտարարությամբ, կորոնավիրուսի դեմ պայքարի համար Եվրամիությունը Վրաստանին 90 մլն եվրո է հատկացնում: Գումարը կծախսվի կորոնավիրուսի ազդեցությունը նվազեցնելու եւ սոցիալ-տնտեսական հետեւանքները վերացնելու ուղղությամբ:

- Մենք բարձր ենք գնահատում Եվրամիության համերաշխությունն ու Վրաստանին ցուցաբերվող օգնությունը COVID-19-ի դեմ պայքարում: Շնորհակալություն ենք հայտնում ԵՄ-ին՝ ավելի քան 20 միլիոն եվրո հատկացնելու համար, որը կծախսվի երկրում կորոնավիրուսի ազդեցությունը նվազեցնելու, բժշկական սարքավորումներ գնելու եւ 70 միլիոն եվրոյի՝ սոցիալ-տնտեսական հետեւանքները վերացնելու համար,- հայտարարեց Դավիթ Ջալկալիանին:



ԱՐԴԱՐԱԴԱՏՈՒԹՅԱՆ ՏՆԵՐՆ ՈՒ ՆՈՏԱՐԱԿԱՆ ԲՅՈՒՐՈՆԵՐԸ ՓԱԿԿԵՑԻՆ

Սկսած ապրիլի 3-ից Վրաստանի ողջ տարածքում ժամանակավորապես կդադարեցվի Արդարադատության տան բոլոր մասնաճյուղերի, ինչպես նաեւ բնակչության ռեստորի ու նոտարական բյուրոների գործունեությունը:

Վրաստանի արդարադատության նախարար Թեա Ծուլուկիանու խոսքով, այս պայմաններում եւս կենսականորեն կարեւոր ծառայությունները կշարունակեն իրենց աշխատանքը, եւ որ մոտ ժամանակներում կիրառարակվի նոտարական գրասենյակների ցուցակը, որոնք սահմանափակ ծառայություններ մատուցելու իրավունք կունենան, որպեսզի «տնտեսական գործունեությունը չդադարի»:

ՓԱԿԿԵՑԻՆ ՆԱԵՎ ՏԱՐԱԴՐԱՄԻ ՓՈԽԱՆԱԿՄԱՆ ԿԵՏԵՐԸ

Մարտի 31-ից Վրաստանում ժամանակավորապես դադարեցվեց տարադրամի փոխանակման կետերի աշխատանքը: Վրաստանի Ազգային բանկի տեղեկատվությամբ, որոշումն ընդունել է երկրի կառավարությունը կորոնավիրուսի զանգվածային տարածումը սահմանափակելու նպատակով:

Ազգային բանկի տեղեկատվությամբ, հեռավար ռեժիմով աշխատանքը կարող են շարունակել կոմերցիոն բանկերը, միկրոֆինանսական կազմակերպությունները, ինչպես նաեւ անդադար ռեժիմով բանկումատները:

Սահմանափակ պայմաններում բնակչությունը հնարավորություն ունի շարունակաբար ստանալ ֆինանսական ծառայություններ, այդ թվում՝ կանխիկ անխափան մատակարարում, ցանկացած տեսակի վճարումների իրականացում, վարկային եւ ավանդային ծառայություններ:

ԵՐԵՒԱՅԻ ՓՈԽԱՐԵՆ, ԿՏՈՒՂԱՆԿԻ ԾՆՈՐԸ

Վրաստանի կառավարության կողմից տարածված տեղեկատվության համաձայն, Վրաստանում մինչեւ 16 տարեկան երեխայի կողմից արտակարգ դրության պայմանակարգի խախտման համար պատասխանատու է երեխայի ծնողը կամ երեխայի այլ օրինական ներկայացուցիչը:

TBC. 10 ՀԱԶԱՐ ԱՐԱԳ ԹԵՍ՝ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆԸ

TBC բանկի տարածած տեղեկատվության համաձայն, բանկը կորոնավիրուսի վարակը բացահայտող 10 000 արագ թեստ է գնել եւ առաջիկա օրերին կփոխանցի Վրաստանի առողջապահության նախարարությանը:

Հաղորդագրության մեջ նշված է, որ TBC բանկը Վրաստանի կառավարության հետ խորհրդակցությունների արդյունքում, «Թի-Բի-Սի»-ն թեզ համար» ծրագրի շրջանակներում գնել է 10 000 արագ թեստ: Հիշեցնենք, Վրաստանում կորոնավիրուսի դեմ պայքարելու համար ակտիվ քննարկվում է արագ թեստերի հարցը: Ընդդիմությունը իշխանությանը քննադատում է նշված թեստերը չգնելու եւ արագ թեստավորում չանցկացնելու համար:

Վրաստանի վարչապետ Գիորգի Գախարիան հայտարարության համաձայն, բոլոր տեսակի թեստերը ունեն իրենց օգտագործման ժամանակը, եւ Վրաստանի իշխանությունը պատրաստ է ձեռք բերել արագ թեստեր: Հարկ է նշել նաեւ, որ Վրաստանը կորեական ընկերության հետ պայմանագիր էր կնքել, սակայն արագ թեստերի առաջին խնձարակը ստանալուց հետո, վրացական կողմը չէղարկեց պայմանագիրը՝ պատճառաբանելով, որ դրանք անորակ են:

ԿՐԹԱԿԱՆ

ՄԻՒՏԵԼ ԶԻՆԵԿԵԼԻ. «ԸՆԹԱՑԻԿ ԿԻՍԱՄՅԱԿԸ ԱԿԱԴԵՄԻԱԿԱՆ ՀԱՅՏԱՐԱՐԵԼՈՒ ՀԱՐՑԸ ԱՌԱՅԺՄ ԶԻ ՔՆՆԱՐԿՎՈՒՄ»

Վրաստանի կրթության, գիտության, մշակույթի եւ սպորտի նախարար Միխեիլ Չիսենկելին հայտարարեց, որ չի նախատեսում դպրոցներում եւ բուհերում այս կիսամյակը հայտարարել ակադեմիական:

Նախարարի խոսքով, որոշ դպրոցներում եւ համալսարաններում ներդրվել է հեռավար ուսուցում, եւ նրանք դասընթացներն անցկացնում են էլեկտրոնային հարթակների օգնությամբ:

Ինչ վերաբերում է այն դպրոցներին, որտեղ հնարավոր չէր ներդնել հեռավար ուսուցման համակարգ, Միխեիլ Չիսենկելու պարզաբանմամբ, այս կարգի դպրոցների եւ աշակերտների համար ներդրվել է «Հեռուստադպրոց» նախագիծը, որը յուրաքանչյուր աշակերտի հնարավորություն կտա հեռուստադասերը դիտել բոլոր առարկաներից, անկախ նրանից ունի՞, թե չունի համացանց:



մանվում է ժեստերի լեզվով:

Հատկանշական է, որ այս ծրագիրը հասանելի է հատուկ պահանջներ ունեցող աշակերտների համար նույնպես, քանի որ յուրաքանչյուր դաս թարգմանվում է ժեստերի լեզվով:

ՀԱՇՎԵՏՎՈՒԹՅՈՒՆ

ՎՐԱՍՏԱՆԻ ԺՈՂՈՎՐԴԱԿԱՆ ՊԱՇՏՊԱՆԸ ՆԵՐԿԱՅԱՑՐԵՑ 2019 ԹՎԱԿԱՆԻ ՏԱՐԵԿԱՆ ԶԵԿՈՒՅՑԸ

Ապրիլի 2-ին Վրաստանի ժողովրդական պաշտպան Նինո Լոմջարիան երկրի խորհրդարանին ներկայացրեց 2019 թվականի տարեկան զեկույցը: 433 էջանոց զեկույցը վերաբերում է Վրաստանում մարդու իրավունքներին:

Փաստաթղթում ասվում է, որ անցյալ տարի Մարդու իրավունքների պաշտպանի գրասենյակ ներկայացվել է մարդու իրավունքների խախտման 6737 դեպք, որից 5039-ը ընդունելի է համարվել, 2399-ին տրվել է իրավաբանական խորհրդակցություն: Կայացել է նաեւ 990 հանդիպում, որին մասնակցել են բնակիչներ եւ տեղական տարբեր կազմակերպությունների ներկայացուցիչներ:

Ժողովրդական պաշտպանը տվյալ զեկույցով հանդես էր գալու մինչեւ մարտի վերջ, ինչը չհաջողվեց երկրում արտակարգ դրություն հայտարարելու պատճառով: Նշենք, որ օրենսդիր մարմինը քննարկելու է տվյալ փաստաթուղթը մինչեւ գարնանային նստաշրջանի ավարտ:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ԱԿՏՈՍԵՔԵՆԱՆԵՐԻ ՏԵԽՆԻԿԱԿԱՆ ԱՏՈՒԳՈՒՄԸ ԶԻ ՉԵՂԱՐԿՎԵԼ, ԱՅԼ ՀԵՏԱԶԳՎԵԼ Է

Վրաստանի կառավարության որոշմամբ, տրանսպորտային բոլոր միջոցների համար, որոնք պետք է տեխստուզումն անցնեն արտակարգ դրության ժամանակ, կկարողանան դա անել միայն արտակարգ դրության վերացումից հետո, 60 օրվա ընթացքում:

Հիշեցնենք, որ մարտի 21-ին Վրաստանում հայտարարված արտակարգ դրության ժամանակ տեխստուզումն ու դրա համար նախատեսված տուգանքների վճարումները ժամանակավորապես չեղարկվել են: 60-օրյա ժամանակահատվածը վերաբերում է ինչպես առաջնային, այնպես էլ՝ երկրորդային տեխնիկական ստուգմանը: Միաժամանակ, ապրիլի 1-ից Վրաստանում կկիրառվեն տրանսպորտային միջոցների տեխստուզման նոր կանոններ, որոնք պետք է հաշվի առնեն մեքենաների սեփականատերերը:

Սեքենաների սպասարկման արժեքը 60 լարի է, իսկ բեռնատարների՝ 100: Ժամանակին չանցած տեխստուզման համար նախատեսված տուգանքը 50 լարի է, այն արձանագրվում է ամիսը մեկ անգամ: Այսպիսով, եթե մեկ տարի երթևեկել եք առանց տրանսպորտային միջոցի տեխստուզման, ապա տուգանքի չափը կհասնի 600 լարի: Բայց դրա վճարումը հետաձգել արդեն չի կարելի, տուգանքի վճարման համար տրվում է մեկ ամիս ժամանակ, դրանից հետո չվճարելու դեպքում, դրան ավելանում է օրենքով սահմանված կարգով գումարը չվճարելու հետեւանքով նախատեսված տուգանքի չափի ավելացած մասը: Եթե վեց ամսվա ընթացքում տուգանքը չի վճարվում, վարորդը կարող է կես տարի արկվել վարորդական իրավունքից:



Այսպիսով, եթե մեկ տարի երթևեկել եք առանց տրանսպորտային միջոցի տեխստուզման, ապա տուգանքի չափը կհասնի 600 լարի: Բայց դրա վճարումը հետաձգել արդեն չի կարելի, տուգանքի վճարման համար տրվում է մեկ ամիս ժամանակ, դրանից հետո չվճարելու դեպքում, դրան ավելանում է օրենքով սահմանված կարգով գումարը չվճարելու հետեւանքով նախատեսված տուգանքի չափի ավելացած մասը: Եթե վեց ամսվա ընթացքում տուգանքը չի վճարվում, վարորդը կարող է կես տարի արկվել վարորդական իրավունքից:

COVID -19

ԿՈՐՈՆԱՎԻՐՈՒՄՈՎ ԵՎ ԱՐՏԱԿԱՐԳ ԴՐՈՒԹՅԱՄԲ ԴԱՅՄԱՆԱՎՈՐՎԱԾ ՃԱՆԿԱՅԱԾ ՀԱՐՅՈՎ, ԶԱՆԳԱՀԱՐԵՔ ՎՐԱՍՏԱՆԻ ԿԱՌԱՎԱՐՈՒԹՅԱՆ ՇՈՒՐՑՈՐՅԱ ԹԵՃ ԳԻԾ` 144 ԿԱՄ 112` ԱՆՀԵՏԱԶԳԵԼԻ ՕԳՆՈՒԹՅԱՆ ՄԻԱՍՆԱԿԱՆ ՀԵՌԱԽՈՍԱՀԱՄԱՐՆԵՐՈՎ

ԻՆՉ Է ՆԱԽԱՏԵՍՈՒՄ ՀԱՄԸՆԴՅԱՆՈՒՐ ԿԱՐԱՆՏԻՆԸ

(Սկիզբը` 1-ին էջում)

րավոր է միայն 3 մարդու ներկայություն, ընդ որում միայն այն դեպքում, եթե ուղեւորներից երկուսը նստած լինեն հետեւի նստատեղին: Սա բավական կարեւոր համաճարարական է, որի անտեսման դեպքում պետական մարմինները կընդունեն համապատասխան որոշում:

Նաեւ, ուղեւորափոխադրուձը թույլատրելի է միայն ռազմավարական նշանակություն ունեցող օբյեկտների աշխատողների համար, կազմակերպված եւ անվտանգ փոխադրման նպատակով:

Արգելվում է ավելի քան 3 մարդու կուտակում, բացի պարենային խանութներից եւ դեղատներից, որտեղ պարտադիր է պահպանել 2 մետրանոց սոցիալական հեռավորություն:

Միաժամանակ, կառավարության կողմից թույլատրված ձեռնարկություններում աշխատանքի կարգը կսահմանվի առանձին եւ կունենա առանձին, առողջապահության նախարարության հետ համաձայնեցված կանոնակարգ: Մենք դա անում ենք, որպես-

զի էկոնոմիկան շարունակի գործել եւ, որ Վրաստանի տնտեսական ներուժը ամբողջապես դադարեցված չլինի: Իհարկե, նաեւ այն պատճառով, որ մեր քաղաքացիներն առավելագույնս պահպանեն իրենց աշխատատեղերը:

Արգելվում է 70 եւ ավելի տարիք ունեցող մեր քաղաքացիների տնից դուրս գալը, բացի այն դեպքերից, երբ նրանք գնում են մոտակա պարենային խանութ, մոտակա դեղատուն կամ մոտակա բժշկական հաստատություն:

Այն դեպքում, եթե 70 եւ ավելի տարիք ունեցող մեր քաղաքացիները միայնակ են, ապա էկոնոմիկայի եւ առողջապահության նախարարությունները, ինչպես նաեւ տեղական ինքնակառավարման մարմինների աշխատակիցները պարտավոր են հոգալ նրանց մասին:

Ամենակարեւորը, արտակարգ դրության ժամկետով փաստորեն հայտարարվում է համընդհանուր կարանտին. ժամը 21:00-06:00-ը արգելվում է ինչպես հետիոտների տեղաշարժը, այնպես էլ տրանսպորտային միջոցներով երթե-

ելությունը քաղաքներում եւ երկրի ողջ տարածքում: Փաստորեն, կրկին անգամ ընդգծում են, որ երկրի տարածքում ժամը 21:00-06:00-ն հայտարարվում է պարետային ժամ:

Մարդկանց տեղաշարժի վերահսկողության եւ նրանց առողջական վիճակի ստուգման նպատակով, անձանց տեղաշարժի վերահսկողության եւ արտակարգ դրության խստացված պայմանների ու այդ պայմանների կատարման, ինչպես նաեւ նախնական ջերմաչափման համար, կկազմակերպվեն հատուկ վերահսկիչ կետեր Թբիլիսի, Բաթումի, Քութայսի, Ռուսթավի, Փոթի, Ջուգոթի եւ Գորի քաղաքներում: Այդ քաղաքների վարչական սահմանները վերահսկելու նպատակով, միջոցառումը կիրականացնի ներքին գործերի նախարարությունը եւ, միաժամանակ, ներգրավված կլինեն պաշտպանության նախարարության համապատասխան գերատեսչությունները:

Խիստ կարեւոր զգուշացում` բոլոր քաղաքացիները տանից դուրս գալիս պետք է ունենան անձը հաստատող փաստաթուղթ:

ԿԱՄ ԿԱՆԱՁԵ. «ԹԲԻԼԻՍԻՈՒՄ ԿԳՈՐԾԵՆ ԼՐԱՑՈՒՑԻՉ ՍԱՀՄԱՆԱՓՈՎՈՒՄՆԵՐ»

Վրաստանում համընդհանուր կարանտին հայտարարելու վերաբերյալ, Թբիլիսիի քաղաքապետարանը տարածել է հայտարարություն, ըստ որի բնակչությանը զգուշացնում է, որ մայրաքաղաքում գործում են լրացուցիչ սահմանափակումներ:

Ինչպես հայտարարել է Թբիլիսիի քաղաքապետ Կախա Կալաձե, մասնավորապես, մարտի 31-ից, արգելվում է ցանկացած տիպի հասարակական տրանսպորտով, այդ թվում Թբիլիսիի «Մետրոպոլիտենով» տեղաշարժը: Արգելքը կգործի ինչպես Թբիլիսիի մունիցիպալիտետում, այնպես էլ` երկրի մնացած տարածքներում:



Թբիլիսիում թույլատրվում է երթեւեկել միայն թեթեւ մարդատար ավտոմեքենաներով, այդ թվում տաքսիներով, այն դեպքում, եթե լիովին հաշվի առնված լինեն առողջապահության նախարարության հանձնարարականները. ավտոմեքենայում` ներառյալ վարորդը, պետք է գտնվի ընդամենը երեք անձ, նրանցից երկուսը պետք է նստած լինեն հետեւի նստատեղին` պահպանելով հնարավոր հե-

ռավորություն:
- Մեկ անգամ եւս հիշեցնում ենք մեր քաղաքացիներին, հատկապես տաքսու վարորդներին, որ ուղեւոր տեղափոխելիս, բացել ավտոմեքենայի պատուհանները, հակառակ դեպքում, համապատասխան մարմինները կգործեն ելնելով օրենքից,- հայտարարեց Թբիլիսիի քաղաքապետը:

ԱՆԱԼՔԱԼԱՔԻՈՒՄ ԵՎ ՆԻՆՈՏՄԻՂԱՅՈՒՄ ԿՈՐՈՆԱՎԻՐՈՒՄՈՎ ՎԱՐԱԿՄԱՆ ԴԵՊԵ ԶԻ ԳՐԱՆՅՎԵԼ ԻՆՔԵՍԿԻՄԱՅՎԱԾՆԵՐԻ ԹԻՎԸ ՆՎԱՉՈՒՄ Է

Ինչպես արդեն հաղորդել ենք, Ախալքալաքի եւ Նինոտսիղայի մունիցիպալիտետներում կորոնավիրուսով պայմանավորված հայտարարված արտակարգ դրության պայմաններում ինքնամեկուսացման պայմանակարգում են հայտնվել հիմնականում այն քաղաքացիները, ովքեր Հայաստանից վերջերս են մուտք գործել Վրաստան եւ, նոր կարգավորումների համաձայն, ենթարկվել 14-օրյա ինքնամեկուսացման սեփական բնակարաններում կամ հյուրանոցներում:

Ախալքալաքի եւ Նինոտսիղայի մունիցիպալիտետներում առկա իրավիճակի պարզաբանման նպատակով, «Վրաստանը» կապվեց քաղաքապետեր Յուրի Ունանյանի եւ Անի Մոսոյանի հետ:

ՅՈՒՐԻ ՈՒՆԱՆՅԱՆ. Ներկա դրությամբ, Ախալքալաքի մունիցիպալիտետում ինքնամեկուսացման պայմաններում է գտնվում 143 մարդ, հիմնականում Հայաստանից հարազատ օջախներ վերադարձած ուսանողներ: Օրըստօրե, ելնելով Վրաստան մուտք գործելու օրերի քանակից, նրանք թիվը պակասում է, թեւ ստույգ ոչինչ ասել չեն կարող, քանի որ հասարակական առողջապահության կենտրոնից Վրաստան մուտք գործելիս մաքսատնից կարանտինային գոտի տեղափոխվող անձանց վերաբերյալ, ստույգ տեղեկություն չունենք:



Բարեբախտաբար, մեզ անում կորոնավիրուսով վարակման ոչ մի դեպք չի արձանագրվել: Հավանաբար, իր ազդեցությունը գործեց ոչ միայն մեր բնակիչների լուրջ եւ օրինապահ վերաբերմունքը ստեղծված իրավիճակի հանդեպ, այլեւ տեղի իշխանության կողմից ժամանակին իրականացրած քայլերն ու տեղական իշխանության գործադրած ջանքերը:

ԱՆԻ ՄՈՍՈՅԱՆ. Միանգամից ասեմ, որ ներկա դրությամբ ինքնամեկուսացման կամ կարանտինային պայմաններում գտնվող 112 նիոտսիղայցիներից եւ ոչ մեկի մոտ կորոնավիրուսի վարակ չի հայտնաբերվել: Փաստորեն, նրանք ինքնամեկուսացման պայմաններում գտնվելու են ինչպես իրենց, այնպես էլ` մեր բոլորի ապահովության համար:



Ավելացնեմ նաեւ, որ քաղաքապետարանի տվյալների համաձայն, ինքնամեկուսացման պայմանակարգում գտնվող մեր բնակիչների թիվը օրեցօր նվազում է, նրանց որոշակի մասն արդեն գտնվում է իր սեփական հարկի տակ: Ասեմ նաեւ, որ չնայած ներդրած ջանքերին, այսօրվա դրությամբ, մաքսատնից կարանտինային գոտի տեղափոխված նիոտսիղայցիների մասին ստույգ տեղեկատվություն չունենք:

ԳԻՐԳԻ ԳԱՆԱՐԻԱ. «ՔԱՂԱՔԱՑԻՆԵՐԻՆ ՕԳՆԵԼՈՒ ՀԱՄԱՐ ԶԵՌՆԱՐԿՈՒՄ ԵՆՔ ՀԱՏՈՒԿ ՄԻՋՈՑՆԵՐ»

ՄԻՆՉԵՎ 200 ԿԿՏ ԷԼԵԿՏՐԱԷՆԵՐԳԻԱ ԵՎ ՄԻՆՉԵՎ 200 ԽՈՐ/Մ ԲՆԱԿԱՆ ԳԱՅ ՄՊԱՌՈՂ ԸՆՏԱՆԻՔՆԵՐԸ ՄԱՐՏ, ԱՊՐԻԼ, ՄԱՅԻՍ ԱՄԻՍՆԵՐԻՆ ԿԱՅԱՏՎԵՆ ԿՈՄՈՒՆԱԼ ՎՃԱՐՈՒՄՆԵՐԻՅ

(Սկիզբը` 1-ին էջում)

չեն գիտակցում իրավիճակի լրջությունը: Վարչապետն անդրադարձավ նաեւ կորոնավիրուսով պայմանավորված երկրի տնտեսական իրավիճակին հայտարարելով, որ Վրաստանի կառավարությունը որոշում է կայացրել 2 միլիարդ լարի հատկացնել երկրի էկոնոմիկային աջակցելու համար:

Ինչպես Միջգերատեսչական համակարգող խորհրդի նիստում նշեց վարչապետ Գիորգի Գախարիան, կորոնավիրուսի դեմ պայքարելու միջոցների համար ճգնաժամային բյուջեն այս պահի դրությամբ կազմում է 351 միլիոն լարի:

Վարչապետի խոսքով, Վրաստանի կառավարությունը 16 մլն լարիով 500 տոննա շաքար, 500 տոննա մակարոն եւ 1,5 մլն լիտր արեւածաղկի ձեթ կգնի: Համապատասխան կարգադրությունն արդեն արվել է: Փաստաթղթում նշվում է, որ երկրում առաջնային օգտագործման պարենային մթերքների պահուստի ստեղծման նպատակով, վերոնշյալ ապրանքները պետք է գնի գյուղի եւ գյուղատնտեսության զարգացման գործակալությունը:

Իր խոսքում, վարչապետն անդրադարձավ նաեւ կորոնավիրուսի պատճառով աշխատանքը կորցրած քաղաքացիներին հնարավոր օգնություն ցուցաբերելու հարցին: Նրա խոսքով, աշխատանքը կորցրած քաղաքացիների նույնականացումից հետո, կառավարությունը հատուկ միջոցառումներ կձեռնարկի նրանց օգնելու համար:

Այս նպատակով, կառավարությունը որոշում է կայացրել, որ յուրաքանչյուր քաղաքացի, ով



ամսական 200 կվտ-ից քիչ էլեկտրաէներգիա կսպառի, ինչպես նաեւ 200 խոր.մ-ից քիչ բնական գազ, լրիվությամբ կֆինանսավորվի` մարտ, ապրիլ եւ մայիս ամիսներին:

Նիստում նշվեց, որ կառավարության վերոնշյալ որոշումը էլեկտրաէներգիայի հարցով անմիջականորեն առնչվում է 1 միլիոն 200 հազար ընտանիքների, իսկ բնական գազի սպառման համար վճարումներից կազատվի շուրջ 671 000 ընտանիք:

- Սա ներառում է ինչպես աղբահանության, այնպես էլ` ջրի կոմունալ վճարները: Այս որոշումը, որը մենք կայացրել ենք կառավարության կազմով, ուղղակի վերաբերում է յուրաքանչյուր քաղաքացու: Հասկանում ենք, որ դա բավարար չէ: Բացի այդ, ես ուզում եմ եւս մեկ անգամ շեշտել, որ մեր դեպքում չափազանց կարեւոր է մոբիլիզացնել ներկայիս պետական բյուջեն, որը 2 միլիարդ լարի է տնտեսության անմիջական օժանդակությամբ, 351 միլիոն լարի` առողջապահության համար COVID 19-ի հետ անմիջական պայքարի համատեքստում,- նշեց Գիորգի Գախարիան: